

鐵  
琴  
銅  
劍  
樓  
藏  
書  
目  
錄

鐵琴銅劍樓藏書目錄卷第十二

常熟瞿 鏞子雍

史部五

職官類

大唐六典三十卷

明刊本

唐玄宗御撰集賢院學士兵部尚書兼中書令修國  
史上柱國開國公臣李林甫等奉敕注上是書紹興  
四年刻於温州郡學此正德間重刻本有詹棫跋及  
王文恪公鑿刊板序

麟臺故事三卷

鈔殘本

題紹興元年七月朝請郎試秘書少監程俱記所載  
秘書省故事唐時嘗改秘書爲麟臺故以名其書原  
本五卷凡十二篇今闕第四第五兩卷卷一官聯  
曰選任卷二曰書籍御製御書附曰校讐卷三曰修  
纂曰國史凡六篇合永樂大典本所有六篇恰完十  
二篇之舊而大典本缺書籍校讐國史三篇則此本  
有之也其末葉有錢叔寶題識云隆慶元年八月十  
日蘇州府前杜氏書鋪收審係真蹟可貴也舊藏吳  
中人士家黃氏丕烈從之傳錄跋曰是書爲影宋舊  
鈔與聚珍板命篇敘次多異書賈攜來手校一過後

歸於西昀草堂遂倩余友胡葦洲轉假影錄一冊積想頓慰是書陳錄云五卷爲書十有二篇今劄云三卷就不全本影寫時改五爲三也於每卷填上中下字欲泯不全之跡嘉慶甲戌六月十有一日

宋中興百官題名一卷

鈔殘本

陳氏書錄謂臨川何異同叔撰凡五十卷始建炎終泰定嘗刻於浙漕司今舊本不可得此惟翰林學士題名一卷潛研錢氏從未樂大典錄出淳熙至嘉定四十餘年詞臣拜罷姓氏悉具可補洪氏翰苑羣書所未及後附宋紹興十八年進士題名記元延祐甲

寅江西鄉試石鼓賦八篇至正十年二十一年山東  
鄉試題名記至正十一年進士題名記至正庚子國  
子監貢試題名記至正丙午國子監公試題名記並  
鶴溪居士王鳴韶從錢氏借鈔彙爲一編此其傳錄  
本也

南宋館閣錄十卷續錄十卷

鈔本

宋陳騭撰李燾序續錄無撰人名世所傳本多闕譌  
此永樂大典本惟闕前錄沿革一門續錄廩祿一門  
後有徐紹乾跋云琳琅主人以所藏宋槧見示因爲  
重校一過所缺范鍾一葉亦補完之戊午秋日

宋宰輔編年錄二十卷

明刊本

宋徐自明撰是書寶祐間自明子居誼嘗刻於永福縣學後漸亡佚萬曆間河南王損仲欲重纂宋史搜得其書於焦弱侯處已闕二卷遂付諸梓刻成之後督學呂邦燿復於周藩宗正伯榮氏得宋刻殘本二卷因補刻之是書遂獲流傳於世有寶祐五年陸德輿趙某陳防章鑄等序及萬曆戊午陳邦瞻王惟儉呂邦燿等序

秘書監志十一卷

舊鈔本

元王士點商企翁同撰凡記至元以來秘書省故事

分門十九曰職制曰祿秩曰印章曰解字曰分監曰  
書籍曰公移曰十物曰紙劄曰食本曰公使曰守兵  
曰工匠曰雜錄曰纂修曰秘書庫曰司天監曰表箋  
曰題名案元史至元二十七年立興文署召集良工  
刊刻諸經子史板本此書載至元十年十一月太保  
大司農奏興文署掌雕印文書交屬秘書監本署設  
官三員令一員丞二員校理四員楷書一員掌紀一  
員雕字匠四十名作頭一匠三十九印匠十六又至  
元十四年十二月中書省奏奉旨省併衙名興文署  
併入翰林院是興文非設自至元二十七年也可正

元史之謔

右官制

作邑自箴十卷

影鈔  
宋本

宋李元弼撰并序是書論爲政之要自一至四卷分  
正己治家處事三門凡一百三十餘條其下四卷列  
規矩一門百有餘條第九卷爲判狀印板第十卷爲  
登途須知備急藥方作於政和中刊於淳熙中傳本  
甚稀見直齋書錄文淵閣書目卷末有淳熙己亥中  
元浙西提刑司刊一條每半葉十一行行十九字舊  
爲稽瑞樓藏本



官箴一卷

明刊本

宋呂本中撰此明成化戊子河東邢遜之讓爲國子監祭酒手寫以刻書兼行楷古雅可愛讓有後跋

右官箴

政書類

太平寶訓政事紀年五卷

鈔本

不著撰人名氏書中稱高宗爲太上皇帝當出孝宗時人所編卷首有題識云以富公弼所進太祖太宗眞宗三朝寶訓及林公希所進仁宗英宗兩朝寶訓國朝會要事實類苑編年之書與夫建隆以逮紹興

詔令指揮歷朝名臣章奏之集言行紀錄搜括殆盡  
以成是編其云富公三朝寶訓卽直齋書錄所載之  
三朝政要玉海所載之太平故事館閣書目作寶訓  
直齋已辨其非此猶沿其誤也

右寶訓

通典二百卷

宋刊本

題京兆杜佑字君卿纂前有貞元十年進書表及李  
翰序自序序後接每門之目目後卽接本文原本存  
一百廿卷餘鈔補全每半葉十五行行二十八字一  
百五六八九卷末有鹽官縣雕四字案宋鹽官屬兩

浙路臨安府今爲杭州府海鹽州治書中貞徵敬殷  
恆桓完字有闕筆而構字不闕尚刻於北宋時也舊  
爲傳是樓藏書繼入吳中故家後爲嘉興金轡庭所  
得五十年後復歸吳郡亦良緣也惜鈔補者非出善

本尚多譌字

卷首有徐乾學  
印健庵二朱記

增入諸儒議論杜氏通典詳節四十二卷

元刊本

不題撰人姓名亦無序跋首載通典原序每門後附  
錄宋人議論之文所列諸儒姓氏自歐陽公至水心  
葉氏俱注有文集見行當是南宋人所輯科舉之書  
也目錄後有至元丙戌重新繙梓一行有以爲宋時

麻沙刻本者殆偶未見此條耳

卷首有振藻堂藏書印朱記

唐會要一百卷

舊鈔本

題推忠協謀佐理功臣光祿大夫守司空兼門下侍郎同中書門下平章事監修國史上柱國太原郡開國公食邑二千戶食實封四百戶臣王溥纂是書原闕第八卷郊儀第九卷雜郊儀妄人以他文雜入充盈卷數七卷十卷亦多錯雜此稽瑞樓藏本中有朱筆校過較竹垞氏所見本尚多九十三九十四兩卷

五代會要三十卷

舊鈔本

題推忠協謀佐理功臣光祿大夫守司空兼門下侍

郎同中書門下平章事監修國史上柱國太原郡開國公食邑一千戶食實封四百戶臣王溥纂總目每卷皆標書名每卷首皆有目今刻本已易去舊式矣是書慶曆六年文潞公嘗刻於蜀乾道七年施元之復以范魯公五代通□合刻於江陰兩公並有後跋其足以證今本之譌者如卷一帝號門明宗使相三十八人注中脫去王晏球一人致其數不符今本八改七非是卷二十五租稅雜錄門每年秋夏徵科了畢核以上文科配斂掠則徵科爲是今本科作料亦非又舊本分條今本每多併合處矣舊爲紅豆齋惠

氏藏書後歸西芷王光祿復歸黃氏士禮居竹汀錢氏嘗借自黃氏手刊其誤數條並跋云借人書籍不但不損污并能爲人訂正謬舛近日頗能行之此亦足以代一瓿乎大昕戲題復有竹垞老人跋松崖所錄也

卷首有惠棟之印定字王鳴盛印西莊居士諸宋記

文獻通考三百四十八卷

元刊本

宋馬端臨撰并序前有王壽衍進書表又李謹思序初刻於泰定元年眞板西湖書院後有闕失至正五年江浙儒學提舉余謙訪得原槧於其子志仁重爲訂正補刊印行於世是本舊藏崑山葉氏

每卷有葉文莊公家

世藏  
朱記

右通制

大唐開元禮一百五十卷

舊鈔本

唐蕭嵩等奉敕撰張氏藏書志載有周必大序此缺  
凡序例三卷吉禮七十五卷賓禮二卷軍禮十卷嘉  
禮四十卷凶禮二十卷草創者爲徐堅李銳賈登張  
垣施敬本陸善經洪孝昌成之者則蕭學士嵩王舍  
人仲邱也唐時以之設科習者授太常官而士之明  
禮者遂多其制最善是本鈔白甚舊中有朱筆詳校  
不著何人

大唐郊祀錄十卷

鈔本

題朝散郎前行河南府密縣尉太常禮院修撰臣王涇上前有進書表是書作於貞元中考次歷代郊廟享祀及有唐因革故事首三卷爲郊祀凡例四至七曰祀禮八曰祭祀九十曰饗禮一代典制略備中隨文注釋亦有考證原本有圖今已佚見崇文總目書錄解題文淵閣書目

太常因革禮一百卷

鈔本

題推忠協謀佐理功臣光祿大夫行尚書吏部侍郎參知政事上柱國樂安郡開國公食邑三千三百戶



食實封八百戶臣歐陽修等奉敕編有進書序及李  
壁後序晁氏讀書志題姚闕蘇洵撰云嘉祐中歐陽  
修言禮院文書放軼請禮官編修六年用張洞奏以  
命闕洵至治平二年乃成詔賜以名案宋時禮書有  
開寶通禮禮閣新編已佚此書傳本亦尠 四庫未  
經採進近有好古之士訪求鈔藏已闕卷五十一至  
六十七共十二卷安所得淳熙刻本而補足之書分  
八類曰總例曰吉禮曰嘉禮曰軍禮曰凶禮曰廢禮  
曰新禮曰廟議始建隆迄嘉祐巨細畢載歐陽公序  
謂以通禮爲主而記其變凡變者皆有所沿於通禮

也其無所沿者謂之新禮通禮所有而建隆以來不復舉者謂之廢禮凡始立廟皆有議論謂之廟議其餘皆用通禮條目凡百篇當時國史謂三輯禮書嘉祐尤悉誠讀史者必當備之書也此元和顧氏思適

齋鈔藏本

卷首有顧千里印  
一雲散人二朱記

政和御製冠禮十卷五禮新儀二百二十卷

舊鈔本

宋議禮局官知樞密院事鄭居中等奉敕撰前有徽宗御製序及御筆指揮局官劄子以御製冠禮十卷冠首後列吉賓軍嘉凶五禮凡官民之制具詳舊闕第七十四卷第八十八至九十卷第一百八至一百

十二卷第一百二十八至一百三十七卷第二百零卷  
皆有錄無書其第七十五九十一九十二三卷中亦  
多殘闕案宋史大觀初設議禮局以知樞密院事鄭  
居平刑部尚書白時中慕容彥逢學士強淵明等十  
四人主之疑義許具劄子上請故是書卷首詳載局  
官累上諸劄徽宗疊降御筆指揮歷七載而後成書  
北宋典章略備自後世拘於成敗之迹并此書亦視  
若弁髦以致日就零落殘編僅存惜哉

大金集禮四十卷

鈔本

不著撰人黃俞邵千頃堂書目謂金章宗明昌六年

禮部尚書張暉等所進今案書中雍字稱御名則當成於大定之世舊闕第十二卷至十七第二十六卷第三十三卷此陽湖孫氏藏本卷面篆書書名淵翁筆也

廟學典禮六卷

鈔本

元人所撰不著姓氏亦無序跋其書凡涉聖廟學官儒生之制一時詔旨悉錄之卷首列應繙繹之字句數十條蓋書中間存蒙古語未盡改去也

卷首有曾  
在當湖胡

筵江家  
朱記

聖朝通制孔子廟祀一卷

元刊  
本

至正二年正月二十二日集賢院奏准孔子廟祀條  
格詳列省注釋奠迎神捧俎徹豆送神望瘞諸儀大  
約依朱文公檢到政和五禮新儀後有正配位陳設  
之圖從祀陳設之圖大成殿圖棗竹堂書目有釋奠  
格例一冊卽此書也

卷首有嗣盛  
印章朱記

右典禮

大元海運記二卷

舊鈔本

不著撰人從經世大典中海運一門錄出經世大典  
已佚僅見永樂大典中此書上卷分年紀事多錄案  
牘之文自至元十九年迄皇慶二年止下卷分類紀

事曰歲運糧數曰收江南糧鼠耗則例曰南北倉鼠  
耗則例曰再定南北糧鼠耗則例曰排年海運水腳  
價鈔曰漕運水程日記標指淺曰測候潮汛應驗曰  
艘數裝泊昔杭人徐泰亨以漕事至京師詣都堂陳  
漕運之弊當更張者十事有海運紀原七卷惜其書  
不獲見幸有此編尚可參考而得其略

右邦計

補漢兵志一卷

影鈔  
宋本

題白石先生錢氏譔有嘉定甲戌門人陳元粹序嘉  
定乙亥門人王大昌跋案序謂白石先生名文子字

文季世居樂邑白石山下跋後另行記有大昌於是  
年九月銜板漕解益廣其傳一條每半葉七行行十  
三字小注十七字

右軍政

故唐律疏議三十卷

元刊本

題唐太尉揚州都督監修國史上柱國趙國公長孫  
無忌等撰前有進書表每卷後附釋文彙例元奉訓  
大夫江西等處行中書省檢校官王元亮撰有劉有  
慶及無名氏序序後有至正辛卯孟春重校一行又  
墨圖記二行云崇化余志安刊於勤有堂又柳贊序

後有至順壬申五月印一行卷末有考亭書院學生  
余資編校一行舊爲泰興季氏辛夷館藏書案此書  
進表中注釋及本文有注字者無名氏序謂此山賁  
治子釋文也卷後之釋文則王元亮所爲釋文纂例  
當時自爲一書刊書者併入之耳顧澗菴氏爲陽湖  
孫氏繡雕是書序謂元亮將此山賁治子原釋重編  
刪併而以卷中有注字者爲刪併未盡而偶見之恐  
未必然

卷首有季振宜印滄葦季  
振宜藏書辛夷館諸朱記

律十二卷音義一卷

影鈔  
宋本

律文不題名音義題翰林侍講學士中大夫尚書兵



部侍郎兼羣牧使判國子監太常禮院上柱國樂安郡開國公食邑二千二百戶食實封四百戶賜紫金魚袋臣孫奭等撰案隋文帝開皇初定新律十二門曰名例曰衛禁曰職制曰戶婚曰廩庫曰擅興曰賊盜曰鬪訟曰詐僞曰雜律曰捕亡曰斷獄唐亦因之此十二卷每門爲一卷則唐律本文也音義自爲一卷案玉海載天聖七年四月刊律文音義於國子監孫奭言准詔校定律文及疏律疏與刑統不同疏依律生文刑統參用後勅雖盡引疏義頗有增損今校爲定本須依原疏爲主其刑統衍文者損闕文者益

以遵用舊制與刑統兼行又舊本多用俗字改從正  
體作律文音義一卷文義不同卽加訓解詔崇文院  
雕印與律文並行先是四年十一月奭言諸科惟明  
法一科律文及疏未有印本舉人難得真本習讀詔  
國子直講楊安國趙希言王圭公孫覺宋祁楊中和  
校勘判監孫奭馮元詳校至七年十二月畢鏤板頒  
行卽此本也其音義摘字爲注仿經典釋文體與孟  
子音義同精覈亦相等如名例篇乘輿下引蔡邕獨  
斷曰天子車馬衣服器盛百物曰乘輿今本獨斷脫  
天子以下十一字得此可補其闕又衛禁篇出行夜

行音下孟切可正孟子集註俗本行夜爲夜行并俗  
讀行爲平聲之譌又畜聚之畜丑六切畜產之畜許  
又切皆與釋文合可正俗讀許六切之譌卷末題楊  
中和宋祁公孫覺楊安國馮元孫奭銜名其公孫覺  
下二行闕處原本板印斷爛以玉海證之當是趙希  
言王圭二人銜名末又有天聖七年四月日准敕送  
崇文院雕造一行下有墨圖記二方一日子昭一曰  
撚髭亭此書世尠傳本原出浙江人士稽瑞樓主人  
從之傳錄

慶元條法事類八十卷附開禧重修尚書吏部侍郎右選

格一卷

鈔本

舊闕首卷不詳撰人姓氏案書錄解題有嘉泰條法事類云宰相天台謝深甫子肅等表上又云初吏部七司有條法總類淳熙新書既成孝宗詔仿七司體分門修纂別爲一書以事類爲名至是以慶元新書修定頒降則此書卽謝子肅等所修奉詔時曰慶元成書曰曰嘉泰其爲一書無疑又宋史寧宗本紀慶元四年九月頒慶元重修勅令格式嘉泰二年八月謝深甫等上慶元條法事類三年七月頒行是當時已名慶元矣惟玉海載嘉泰二年上條法事類四百

三十七卷書目云八十卷其云書目者乃館閣書目則今所傳之八十卷已非原修之書卽當時閣本也原闕卷一卷二及卷三首數翻卷十八至二十七卷三十三至三十五卷三十八至四十六卷五十三至七十二凡四十二卷然一代典制賴以考見者尚多如玉海載建隆考課今有四善四最而四最僅有其三是書載有民籍增益進丁入老爲生齒之最他如十科薦舉之令由於紹興三年三省樞密請復舉行元祐司馬光之法見宋史選舉志武臣薦舉之格由於隆興元年正月一日三省密院所奏見玉海銓選

類其沿革損益皆可考而知定禕史志之闕卷別附  
開禧重修尚書吏部侍郎右選格二卷案寧宗本紀  
慶元二年十一月重修吏部七司法開禧元年六月  
陳自強等上二年頒行疑此二卷卽陳自強所上之  
書書錄解題亦名嘉定吏部條法總類是書世尠傳  
本此出乾隆中人所鈔卷首有無名氏撰提要一篇  
節其要而存之是書本末可見矣舊爲愛日精廬藏  
書

大元聖政典章新集至治條例二册

影鈔  
元本

題至治二年新集不分卷凡國典朝綱吏部戶部禮

部兵部刑部工部八門又分子目三十有九目錄前  
又有綱目有無名氏題記云大元聖政典章自中統  
建元至延祐四年所降條畫板行四方已有年矣欽  
惟皇朝政令誕新朝綱大振省臺院部恪遵成典今  
謹自至治新元以迄今日頒降條畫及前所未刊新  
例類聚梓行使官有成規民無犯法其於政治豈小  
補云目錄後又有刊書人記云至治二年以後新例  
候有頒降隨類編入梓行不以刻板已成而靳於附  
益也謹咨舊藏愛日精廬

右法令

營造法式三十六卷

舊鈔本

題通直郎管營修葺皇弟外第專一提舉修葺班直諸軍營房等臣李誠奉聖旨編修前有進書序又請鏤板劄子書錄解題云崇寧二年頒印此本序後有平江府今得紹聖營造法式舊本并目錄看詳共一十四册紹興十五年五月十一日校勘重刊葺始刻於崇寧繼刻於紹興也案目錄爲三十四卷而看詳內稱書總三十六卷或疑制度一門闕二卷當爲後人所併其實目錄一卷看詳中已言之敏求記亦言目錄看詳各一卷合之正三十六卷也看詳中制度



十五卷五當作三傳鈔致誤此書雖輾轉影鈔實祖宋本圖樣界畫最爲清整遵王所見之本當不是過也

右考工

目錄類

秘書省續編到四庫闕書二卷

舊鈔本

舊題紹興年改定案此書見直齋書錄及玉海卽秘省所頒闕書目其闕者注闕字於逐書之下案唐書藝文志亦有見闕書目一卷意在訪求而作也又案晁氏讀書志有大宋史館書目總一萬五千一百四

十二卷通志藝文略有四庫書目按其分類卷數與

此本相同則卽當日四庫書目注明有闕者耳

昭德先生郡齋讀書志四卷後志二卷考異一卷附志一

卷舊鈔本

讀書志四卷宋晁公武撰後志一卷亦公武撰趙希  
弁編附志一卷則希弁續輯世所謂袁本讀書志是  
也有公武自序杜鵬舉黎安朝序又希弁後志序海  
靈陳氏有刻本字句多舛譌如胡先生易傳條中或  
云門人阮天隱所纂天隱爲阮逸字陳本阮誤倪是  
本出義門何氏朱筆點校加以考證卷末有題記云

康熙丁亥春日粗校一過又有陽城張古餘跋云此舊鈔袁本較海監陳氏所刻首多二十卷目錄而字句間每勝其卷二小說類雜詁集後幕府燕閒錄起至神仙類天隱子止共廿翻陳刻俱錯入後志第二卷中今得以正之洵爲善矣

每卷首有何焯之印配瞻二朱記

遂初堂書目一卷

舊鈔本

題晉陵尤袤延之撰書錄解題云延之淳熙名臣藏書至多法書尤富李文簡云延之喜鈔書每公退日計鈔若干葉其子弟請女亦令鈔之其好書如此故所藏甚富後遭鬱攸之厄此本殆燼餘之曰矣且放

翁集亦錄入是出尤氏後人所輯非原書也有毛弁  
序魏了翁陸友仁跋

直齋書錄解題四卷

舊鈔  
殘本

宋陳振孫撰此出文淵閣所鈔卽秀水朱氏抱經盧  
氏所見本也僅存楚辭類一卷別集類三卷核與今  
館本同惟字句差有小異盧氏又得子部數門於  
鮑氏知此書原本惟別集分三卷詩集分兩卷其餘  
每類各自爲卷全書當分五十六卷詩集後次以總  
集章奏歌辭而以文史終焉其餘次第與 館本同

卷首有文淵閣季振宜藏書跋古  
閣曝書亭珍藏朱彝尊印諸朱記

右經籍

金石錄三十卷

校宋本

宋趙明誠撰并序又劉跋李清照序趙不譏跋是書以萊竹堂鈔宋本爲最善盧刻雖云依之實未見葉氏真本故有舛謬又有錢罄室鈔本前十卷從文氏所藏宋本錄得者此本爲顧澗齋氏校定有跋云金石錄葉文莊手鈔首尾兩頁本康熙己丑何義門收得中後有跋者最善至錢罄室鈔本便稍有失真處雅雨堂據何別本刊行雖何有真從葉書鈔錄脫謬至少語實不能然也又其所稱錢本非何親見乃從

陸敕先傳得故竝多譌今悉用錢葉真本細勘一過  
以葉本爲主而附錢本異同葉本所有何校亦頗與  
此出入因并錄焉乾隆甲寅六月十日案是本校讐  
精善勝盧本遠甚惟唐醉吟先生傳并墓碑一條曰  
舊唐史云居易卒年七十五五乃七字之譌新史云  
年六十五六乃七字之譌此葉錢兩本疎處何氏願  
氏俱未訂正

金石錄三十卷

舊鈔本

此陸敕先藏本有跋云假得黃子羽所藏錢幣室手  
鈔本校過案第十卷後罄室識云借文休承宋雕木

鈔完不知後二十卷又何本也歲次癸卯五月二十日虞山陸貽典識

隸釋二十七卷

舊鈔本

宋洪适撰并序此從元刊本影寫卷六卷七末葉並有泰定乙丑寧國路儒學重刊一行又有丁亥年重校一行較萬曆間王鷺刻本爲勝舊爲孫石芝藏書有無名氏跋曰此書予以萬曆四年丙子春從錢君叔寶借錄嘗一再校其上題字錢君筆也又孫從沾手跋曰子藏此書從汲古毛氏所得戊子年歸鼎臣兄借鈔未還今乾隆戊寅春三月復購得子孫保之

石芝記

卷首末有孫石芝珍藏  
曾經帳亭手校二朱記

隸續七卷

舊鈔本

宋洪适撰顧云美氏影鈔元刊本摹寫甚精卷四末  
葉有泰定乙丑寧國路儒學重刊一行秀水朱氏云  
范氏天一閣曹氏古林徐氏傳是樓含經堂皆止七  
卷本今揚州刊二十一卷乃從汲古毛氏得舊鈔本  
合併成之非淳熙原刻之舊

卷首末有塔  
影園客朱記

絳帖釋文二卷

元鈔本

宋曾槃撰槃字樂道贛川人其末自識云絳帖石本  
磨滅學者每患難通擬作釋文會有以北人所著見



昇因附益以舊所攷證刻之桐川郡齋此從宋刻影  
寫楮墨甚舊當出元人案絳帖釋文相傳有汪立中  
榮芑所作今皆不可見此本流傳亦稀世之好古者  
當合姜白石絳帖平共刻之也舊爲稽瑞樓藏書

有英山珍

本朱記

石刻鋪敘二卷

舊鈔本

題鳳墅逸客曾宏父纂述宏父字幼卿刑部侍郎無  
玷之子秀水朱氏謫以爲曾布之孫名惇字宏父者  
義門何氏潛研錢氏俱辨之此鈔自義門藏本得諸  
塔影園顧氏者有校正顧本數字者如益都石經條

內儀禮八冊十七卷願譌作十六卷孟子十四卷願  
譌作十二卷鳳墅帖後畫帖續帖不當另行畫帖條  
中時賢鳳山題詠二卷當自爲一行義門跋曰辛卯  
得願可求家舊鈔本稍正數字願名德育廉吏榮甫  
之子也又按竹垞跋謂宏父名惇以高宗紹興十三  
年知台州府事今考其自序爲理宗淳祐二年壬寅  
相去凡九十九年又鳳墅帖跋有戊申字則淳祐八  
年相去一百又五年矣其非一人可知竹垞語殊譌

蘭亭考十二卷

影鈔  
宋本

題桑世昌集前有嘉定元年文華閣學士通奉大夫

提舉江州太平興國宮高文虎序嘉定十七年朝議  
大夫新除秘書省著作佐郎兼權侍右郎官高似孫  
序後有曾漸張從祖林至黃疇若葉時李兼樓鑰黃  
由陸樛楊長孺黃螢葉迥題詩及跋語甚衆又嘉定  
甲申齊碩後序初刻名博議十五卷其後重刊於浙  
東庾司加以刪節而博議本遂佚後有樵李項氏本  
脫謔尤多此茶夢主人藏本出自宋刻行款悉仍其  
舊歛鮑氏得柳大中影宋本同此本也

卷首有姚舜  
咨印茶夢圖

庵二  
朱記

蘭亭續考二卷

舊鈔  
本

題吳山俞松前有淳祐壬寅蜀人李心傳序此亦出  
嘉靖間茶夢山人藏本與柳大中本同出宋刻大字  
本案 四庫提要謂高文虎蘭亭博議序多爲其子  
似孫刪改今考是書引高序與蘭亭考字句大異乃  
知其說之不謬也且原作開禧元年後譌嘉定元年  
矣

寶刻叢編二十卷

鈔本

宋陳思撰有魏了翁孔山居士陳振孫等序闕第四  
卷九卷十一十二卷十六十七卷凡六卷此出自元  
人鈔本卷五末葉有題記云至正庚寅冬得於武林

河下之書鋪歸寘於竹江舊隱之凝清齋俞子中父誌又有一行云至順改元夏五月五日收此本保居敬記鈔本脫錯甚多顧澗贊氏據金石錄隸續輿地紀勝校過

卷首有顧千里印一雲散人二朱記

輿地碑記目四卷

舊鈔本

宋王象之撰此卽從輿地紀勝中錄出別行相傳已久每府州碑末列入志書名原書如是旣題曰碑目宜削去之

卷末有海昌吳葵里收藏朱記

寶刻類編八卷

鈔本

不著撰人名氏 四庫書目謂理宗時人作於唐五

代碑碣蒐采最富可補歐趙兩家之遺惜闕名臣十

三之三一卷

古刻叢鈔一卷

鈔本

題陶宗儀編凡鈔西漢至南宋碑刻七十一種俱錄  
全文多金石家所未見者鈔本間有舛譌澗費顧氏  
校過未有跋已刻入孫氏平津館叢書

右金石

史評類

史通二十卷

校本

唐劉知幾撰并序宋本不題名於序後卽接題史通

秩上內篇劉氏一行此依盧抱經羣書拾補中所見  
華亭朱氏影鈔宋本校過復將馮已蒼錢遵王何義  
門三家校本一一注明卷末有題記云丙申元旦後  
一日立齋校

東萊先生音註唐鑑二十四卷

明刊本

題承議郎行秘書省著作佐郎騎都尉賜緋魚袋臣  
范祖禹撰朝奉郎行秘書省著作佐郎兼國史院編  
修官兼權禮部郎官臣呂祖謙註有范氏自序及元  
祐元年進書表明弘治間常州楊伯川刻有邑人白  
昂鼓城呂鏗二序

唐書直筆新例四卷新例須知一卷

影鈔宋本

宋呂夏卿撰書中題帝紀第一列傳第二志第三摛  
繁文闕誤第四後附唐書新例須知與晁公武讀書  
志合 四庫館著錄本前一卷論紀傳志第三卷論  
舊史繁文闕誤第四卷爲新例須知其爲四卷已出  
後來合并此本遇宋諱字有減筆蓋錄自宋本故篇  
第尚仍其舊

致堂讀史管見三十卷

宋刊本

宋胡寅撰是書作於紹興二十五年逮嘉定十一年  
衡陽郡守孫某刻於學署有猶子大壯序卽此本也



每半葉十二行行二十三字宋諱慎惇字有減筆案  
姚牧庵集序此書謂宋時江南宣郡有刻板入元歸  
興文署宣之學官劉安重刻之牧庵嘗得致堂手稿  
數紙令摹諸卷首是宋元時絕重其書也

涉史隨筆一卷

明刊本

宋葛洪撰并序明弘治間南昌道王朝言有刊本是  
本爲正德時鄺璠重校刻末有王純後序及鄺璠跋

李侍郎經進六朝通鑑博議十卷

宋刊本

題侍郎李燾卷首有三國晉南朝北朝譜系圖六朝  
建都六朝攻守圖四葉前有紹熙三載秀國陳之賢

序乞尚史學劄子每半葉十二行行廿二字書中無  
闕筆字惟殷浩作商浩桓溫作元溫劄子後有正書  
墨圖記曰畢萬裔宅刻梓於富學堂舊藏邑中陳氏

每卷有楷  
瑞樓朱記

類編皇朝大事紀講義二十三卷

舊鈔本

題黃甲省元肇慶府學教授溫陵呂中講義省元國  
學前進士三山繆烈蘭臯蔡炳編校是書紀宋太祖  
至欽宗事加以論斷末附中興講義一卷略及高宗  
事前有淳祐丁未興國軍教授劉寶甫序謂止齋水  
心之徒以其師講貫之素發明聖君賢相之心隨朝

分類隨事通釋攷求源委言近指遠云云此從宋麻

沙本傳錄

小學史斷二卷

明刊本

宋南宮靖一撰并序案靖一字仲靖南昌人端平中進士是書上起周平王下迄五代敘述史事兼采宋儒論斷以供童蒙拾誦宋史藝文志不載明嘉靖中始有刻本此四明張木刻於蘄州者有刻板序

十七史纂古今通要十七卷後集三卷

元刊本

題新安前貢士胡一桂庭芳纂前有大德壬寅一桂自序及汪良臣序卷首列圖二十有三纂事始三皇

止五季其子昌祖爲之注後集乃董鼎季亭所續凡  
宋二卷金一卷 四庫著錄祇有胡氏書而未及董  
氏

史義拾遺二卷

明刊本

題元赤城令會稽鐵崖楊維禎譔是書雜論史事皆  
有爲而作爲集中不載弘治間平湖陸淞以其父程  
鄉令手錄本梓行有序嘉靖庚子皇甫汈重刻有後  
跋

鐵琴銅劍樓藏書目錄卷十二終

鐵琴銅劍樓藏書目錄卷第十三

常熟瞿 鏞子雍

子部一

儒家類

孔氏家語十卷

影鈔  
宋本

題王肅注有後序汲古毛氏刻此書得一宋本闕卷  
首至卷二凡十六葉因參用通行本故注字脫落顛  
倒最多此本完善無譌足以訂正甚多每半葉九行  
行十七字注用雙行行廿三至廿五字不等相傳有  
毛斧季校宋本數之一一昭合

孔子家語十卷

校本

此陳氏子準傳錄毛斧季氏校宋本朱筆從北宋墨筆從南宋按子晉跋謂丁卯秋得北宋刻本其卷二第十六葉以前已蠹蝕繼於己卯春復得一本闕末二卷合之始全今校改注字脫落顛倒者自卷首至卷二十六葉以前爲多蓋初得宋本卽刻其闕者仍參通行本追續得全本不及追改矣

卷首有稽瑞樓朱記

纂圖互註荀子二十卷

元刊本

唐楊倞註并序此書出宋時書肆所刻元人繙雕者抱經盧氏曰雖有脫譌差舛而未經校改其本真猶

未盡失澗贊顧氏曰明世德堂本卽所自出惟刪其  
重意而刪之未盡者猶存二條於修身玉制篇中

卷首

有仲魚

朱記

荀子二十卷

校宋本

此元和惠徵君校宋本原出葉林宗氏以景定本校  
過徵君又加校之澗贊顧氏依之傳錄凡改正七百  
七十字卷中有樹玉案一條當是匪石山人題識盧  
氏校刻本每自用己意舉以相核不盡同也

卷首有顧澗贊

藏書

朱記

荀子二十卷

校宋本



此抱經盧氏校本也案抱經校是書凡用數本其一  
爲影鈔大字宋本卷末補錄劉向校錄奏一篇并記  
後有兩行一題將仕郎守秘書省著作佐郎充御史  
臺主簿臣王子韶同校一題朝奉郎尚書兵部員外  
郎知制誥上騎都尉賜紫金魚袋臣呂夏卿重校知  
其本在宋英宗時奉敕定者也其一爲元刻纂圖互  
注本其一爲世德堂原本及鍾人傑本丹黃爛然善  
本略備矣

每卷有文弼讀過丹村子金  
華張氏翠薇山房諸朱記

荀子考異一卷

鈔本

宋淳熙間邑人錢氏佃刻荀子既用各本參校復有

所疑因著考異附卷末自爲之跋今淳熙本不獲見  
惟傳此卷其跋云右荀卿子書楊倞注凡三十二篇  
爲二十卷并劉向篇目舊嘗患此書無善本求之國  
子監亦未嘗版行比集諸家所藏得二浙西蜀本凡  
四增寡同異莫適取正末乃於廬陵學官藏書中得  
元豐國子監刻者遂取以爲據然猶有謬誤用諸本  
參校凡是正一百五十有四字其有疑而未決者并  
世俗所習熟而未定如青出於藍而青於藍者監本  
所出而文義或非又如莫善於樂而作美善相樂皆  
不敢沒其實著之卷末又一百二十有六條雖未敢

以爲盡善然耳目所及此已特爲精好謹刻之江西  
計臺俾學者得以攷訂而誦習焉淳熙八年六月丙  
午吳郡錢佃謹識案佃字仲耕政和進士觀復之子  
登紹興十五年進士官至中奉大夫祕閣修撰著有  
易解十卷詞科類要二十卷文集二十卷見常熟縣  
志

孔叢子七卷

明刊本

漢孔鮒撰此明人翻梓宋時巾箱本題宋咸註程以  
進閱前有咸上表及序二篇寫刻甚精

新語二卷

明刊本

題漢太中大夫陸賈撰後附賈本傳一篇書中闕文  
注明闕幾字此明刻小字本較別本爲勝

新語二卷

明刊本

題漢中大夫陸賈撰此弘治間李仲陽得舊本刻於  
桐鄉者寫槧甚精而殘缺已多知是書久無善本矣  
有錢福序都穆跋

新書十卷

明刊本

漢賈誼撰宋淳熙辛丑程漕使某攝潭州守刻置學  
宮明時其板殘闕弘治間陸相爲長沙太守嘗以黃  
都諫寶藏本修補印行此則吉府重刊本悉依宋刻

卷中有古府

圖籍朱記

鹽鐵論十卷

明刊本

漢桓寬撰弘治間新涂涂禎刻於江陰是本從宋嘉泰本翻雕故匡桓等字俱減筆雲間張氏注本改爲十二卷竄亂舊第字句亦多踏駁今陽城張氏重刻本悉依涂氏之舊

鹽鐵論十卷

舊鈔本

此從錫山華氏活字本傳錄顧澗蕢氏以太元書室本搜靈齋舊鈔本校過未有澗翁題記云讀此書貴能得其用如予者徒索解於字句間何足道耶癸亥

八月重閱一過記又云嘉慶丁卯五月爲居停主人  
張古餘先生校刻宏治十四年涂楨本再讀此案是  
本當卽陽城張氏撰考證之底藁也

卷首有顧淵  
齋手校朱記

劉向新序十卷

明刊本

此嘉靖間依舊本重刊字畫清明大似宋刻與別本  
不同者注明一本作某字前有曾鞏進書序目錄接

序文後猶宋刻舊式也

卷首有皇明學士朱氏  
圖書耐辱居士二朱記

新序十卷

校本

題陽朔元年二月癸卯護左都水使者光祿大夫臣  
劉向上序文後接目錄以每卷爲次目錄上空二字

卷第一上空三字雜事上空四字每半葉十一行行  
二十字間有小注明刻所無如卷十善謀篇守戰南  
陽守齧保宛城下注云史作與南陽守齧戰犇東破  
之南陽守齧走保城守宛又休牛於桃林下注云史  
作放牛桃林之陰示天下不復輸積又雍齒與我有  
故下注云漢書音義曰未起時有故怨又深入伐國  
墮城下注云漢史作以飽待飢正治以待其亂定舍  
以待其勞故按兵覆衆伐國墮城又正遣人獲也下  
注云漢史作不至千里人馬乏食兵法曰遣人獲也  
全書改正譌奪處甚多後有蔣氏杲手記云康熙庚

寅借義門師校正本對勘師本乃從憩橋巷李氏借得陽山顧大有舊藏宋槧本校定也又於卷一後錄錢蒙叟舊題云舊本新序說苑首開列陽朔鴻嘉某年某月具官臣劉向上一行此古人修書經進之體式今本先將此行削去古今人識見相越及鑱刻之佳惡一開卷而可辨者也

說苑二十卷

元刊本

漢劉向撰此本校刻楮印俱精前有南豐曾氏序連屬篇目及劉氏進書狀猶宋本舊式也舊藏邑中馮

氏

卷首有臣班  
二癡二朱記



說苑二十卷

校宋本

題鴻嘉四年三月己亥護左都水使者光祿大夫臣  
劉向上前有向進書序繼以總目目後有曾鞏進書  
序後有感淳乙丑九月鄉貢進士直學胡達之際役  
迪功郎改差充鎮江府府學教授徐沂迪功郎特差  
充鎮江府府學教授李士懽命工重刊三行是書元  
刻脫譌甚多宋本與明程榮本次序無異惟第六卷  
復恩篇中晉趙盾舉韓厥一條下多一條云蘧伯玉  
得罪於衛君走而之晉晉大夫有木門子高者蘧伯  
玉舍其家居二年衛君赦其罪而反之木門子高使

其子送之至於境蘧伯玉曰鄙夫之子反矣木門子  
高後得罪於晉君歸蘧伯玉伯玉言之衛君曰晉之  
賢大夫木門子高得罪於晉君願君禮之於是衛君  
郊迎之竟以爲卿云云爲各本所無後有錢遵王題  
記云戊辰夏五廿三日借朱卧庵宋槧本校畢又陳  
玉齋題記云丙辰二月盡日閱於寶晉齋時有肩之  
疾殊草草也九月九日又取勅先校本添改訖又何  
小山題記云凡陳本與此異者出於下方辛巳夏四  
月小山取陳本添改訖

卷首未有興祖孝修孫長君  
大雅堂文玩記錢孝修圖書

印諸

朱記

纂圖互注楊子法言十卷

元刊本

漢楊雄撰晉李軌唐柳宗元注宋朱咸吳祕司馬光增注前列景祐三年朱咸序及進書表又司馬光序與世德堂本同惟宋序後有墨印六行云本宅今將監本四子纂圖互註附入重言重意精加校正並無訛謬謄作大字刊行務令學者得以參考互相發明誠爲益之大也建安下空三字謹咨据此則是本依宋監本授梓故卷首朱咸題名上冠以聖宋也案法言舊有治平監本係李軌單注有音義爲十三卷此則合李注爲五家注依朱咸本爲卷十書中與李本有異

同如學行篇以其所以葬與上以其所以養句例正  
同李本作以其所葬是所下脫以字矣吾子篇事辭  
稱則經李本誤重事字問明篇巢父灑耳與音義灑  
音洗合李本作洗耳當誤寡見篇又從而繙其盤悅  
李本誤重其字五百篇由羣婢之故也李本作羣謀  
先知篇謹其教化李本作議其重黎篇請問蓋天李  
本作請問蓋以天字混入注中大誤又始元之初李  
本作始六之詔淵騫篇翼以揚之李本作翼以又實  
蛛蝥之靡也李本作劇也君子篇人言仙者有諸乎  
曰吁李本乎下脫曰字凡此諸條皆卓然勝於李本

者惜諸家注文多刪節而溫公集注十三卷全本不得見尤可惜也

五臣音注楊子法言十卷

校宋本

此世德堂刊本與元刻五家注同惟去其重言重意耳何氏義門與弟心友以傳是樓所藏治平本手校一過李注俱補全間綴論議於上方卷中朱筆所點與乙處卽李文貞錄入榕村講授中者卷末有跋語楷法精整當是義門真蹟嚮藏里中陳氏張氏藏書

志著錄者卽從是本傳寫

卷首有楷瑞樓朱記

五臣音注楊子法言十卷

校宋本

此本與世德堂本同唯板心無世德堂刊四字新安  
方山人亦以李軌單注本校末有題記二行云己亥  
殘冬用南渡後國子監翻雕官本粗校一過宋本係  
李軌本別有音義一寫附後惜未錄出案山人名正  
澍字子雲乾隆間詩人也

卷首末有新安方正澍珍  
藏嚴長明用晦甫圖書記

文昭借閱  
諸朱記

潛夫論十卷

明刊  
本

漢王符撰此本出明初重刻朱本今以新安程本相  
校勝處甚多如三式篇稷高不誤稷禹德化篇砥手  
不誤砥礪氏姓篇賜禹姓姒氏不誤似氏則不能故

也不誤改也王孫氏不誤五孫蓋須臾之女也不誤  
言也略舉什一足徵舊本之可貴矣

卷首尾有瑣川  
吳氏收藏圖書

士禮居藏海甯  
陳壇觀諸朱記

申鑒五卷

明刊本

漢荀悅撰宋尤文簡公嘗刻荀氏書於江西漕臺已  
有脫譌黃氏得其本而校之刻於正德間有王鏊序

中論二卷

明刊本

漢徐幹撰并序是書唐志作六卷晁氏讀書志陳氏  
書錄解題馬氏通考俱稱二十篇卷分上下與今本  
合此明弘治間吳縣學生黃紱以陸友仁藏宋石邦

哲校本重刻吳人韓壽椿繕錄寫刻俱精有邦哲友

仁及都穆跋嚮藏邑中毛氏

冊首有跋  
古閣朱記

中說十卷

宋刊  
本

題阮逸註前有逸序及篇目每篇爲一卷目後有隱

士王氏取瑟堂刊一行每半葉十一行行二十字注

字雙行行二十五字朗恒徵慎字減筆卷中有朱筆

校語較元刻釋音本爲勝

中說十卷

元刊  
本

此較宋刻本多釋音而間有譌字如銅川作鋼川臧  
否作臧否惚乎作忽乎之類蓋元時書肆所刻者前



列王氏世系年表謂文中子出漢徵君霸之後題文  
中子纂事河汾繫子王壬當是其裔孫所纂也

張子語錄三卷後錄二卷

宋刊本

不題名亦無序跋卷末有後學天台吳堅刊於福建  
漕治二行每半葉十行行十八字板心注字數及刊  
工人名敦字闕筆光宗後刻本也舊爲汲古毛氏藏

書

卷首末有奏叔汲古閣圖書記朱記

龜山先生語錄四卷後錄二卷

宋刊本

此亦福建漕治刻本與張子語錄行款悉同後題字  
亦同書中恆桓徵慎敦減筆卷末有正統戊辰仲夏

在金谿義塾重裝一行

卷首有毛裱之印  
字奏叔二朱記

二程全書六十五卷

明刊本

此書爲二程子門人所記朱子復次錄之凡記載失眞者皆爲刊削成遺書二十五卷附錄行狀墓表年譜爲一卷又慮或有所遺復於門人集錄者采擇成編得十二卷題曰外書以別於遺書淳祐間教授張玘合經說文集刊行號程氏四書猶各自爲書也明天順間國子監丞閻子與重刻之南陽李文達題曰二程全書弘治間監察御史李瀚以舊藏本與閻本屬參議康紹宗僉事彭綱編校河南知府陳宣刻之

有朱子二跋及李瀚彭綱陳宣序

童蒙訓三卷

舊鈔本

宋呂本中撰樓昉序其書歷述師友遺聞多格言至論宋時重之其本不一刻此邑人王嗣賢所錄宋本原書卷末有墨圖記四行其文云紹定己丑郡守眉山李稟得此本於詳刑使者東萊呂公祖烈因鋟木於玉山堂以惠後學案嗣賢工書法喜鈔錄古書陳見復先生弟子

卷末有生於虞山嗣賢二朱記

近思錄集解十四卷

宋刊本

宋朱子呂成公同輯建安葉采注前有淳熙乙未朱

子原序及淳熙三年成公題辭又淳祐戊申葉采序  
淳祐十二年葉采進書表全書其六百二十二條每  
卷記若干條每半葉八行行十八字雙行夾注每行  
十八字魚尾注大小字數悖字闕筆卽淳祐時刻本  
也

朱子語類一百四十卷

明刊本

門人彙輯與朱子問答語各錄成編成淳間導江黎  
氏靖德合池錄饒錄饒後錄建別錄蜀類徽續  
類考其同異削其舛譌分爲二十六門序而刻置郡  
齋此明人翻雕本一遵朱刻之舊

朱子成書十卷

元刊本

題廬陵後學黃瑞節附錄案瑞節字觀樂元時以薦授泰和州學正未赴爲學得朱門傳授輯朱子書在四書外者其十種曰太極圖說通書西銘正蒙諸解易學啟蒙家禮校正律呂新書皇極經世指要周易參同契解校正陰符經每種爲一卷前有大德乙巳廬陵劉將孫序目錄後有墨圖記曰至正元年辛巳日新書堂刊行

麗澤論說集錄十卷

宋刊本

此呂成公門人集錄其師之經說及史說雜說弟祖

儉裏輯成編從子喬年復附益次比以刻之有後跋  
詩說獨曰拾遺異於他經說者以有讀詩記故也雜  
說多講學語成公學本程子論說醇正體用兼備故  
朱子引之同纂近思錄雖門人所輯語類中間有不  
足於伯恭之語迺當時效同志相規之義原非屏斥  
之謂不得預於斯道也不解宋史道學傳何以遺之  
其詩說一種與讀詩記體例稍異讀詩記專釋詩此  
則開示後人讀詩之法或證以史事或抒其心得多  
體會真切處如說兎置謂後世甯戚飯牛買臣負薪  
不足以容已是齊與漢之風化小若文王之時兔置

之人雖皆有才而當其施於中逵施於中林雍容閒暇自忘其才可爲公侯之用則周南風化之大可知說頽鼠謂我將去之將者欲去其實不去譬之以鼠怨憤極矣猶且不忍去所以見忠愛之深說天作高山謂彼祖矣岐三句是一詩要處後世因物思人如峴山之類以爲人既亡所存惟陳迹古人則異是文王雖往而其坦夷可行之道與山俱存而未亡子孫保之足矣略舉數條可知其以意逆志之概是本每半葉十行行二十字板心有字數其匡貞恒慎完徵字皆有減筆猶呂氏原刻本也

卷中有徐恪公  
肅圖籍朱記

木鐘集十一卷

明刊本

宋陳埴撰并序是書雖名集而實爲語錄故取攻木撞鐘之義久無傳本明弘治間鄧淮爲温州守得舊

本刻置郡齋以行

卷首有牧翁蒙叟瑣川吳氏收藏二朱記

大學衍義四十三卷

宋刊本

朱眞德秀撰前列自序及進書表又尚書省劄子又中書門下省時政記房申狀狀末題端平元年拾月日翰林學士中奉大夫知制誥兼侍讀眞德秀狀以下爲目錄每半葉十一行行二十一字匡惇字闕筆

桓作巨

卷末有錫山治本堂圖書汲古主人毛氏子晉氏諸朱記



西山真文忠公讀書記甲集二十七卷

宋刊本

宋眞德秀撰書錄解題云其書有甲乙丙丁甲言性理中述治道末言出處今但有甲三十七卷丁二卷文獻通考亦僅載三十九卷明刻本有乙集爲門人湯漢所續丙集亦無是宋本止有甲丁二集此闕丁集二卷耳卷首綱目一篇具詳作書之旨每半葉九行行十六字注每行二十四字間有元明時修板寬行大字宋末監本也

黃氏日鈔九十七卷

元刊本

宋黃震撰沈達序此書刻於宋時中值兵燬板已亡

失元至元間孫禮之購求蒐輯補完以刻之已闕卷  
八十一卷八十九卷九十二書中桓字或減筆作栢  
或作巨蓋是本從宋槧出也舊藏曹倦圃家

卷首有  
曹溶樞

李曹氏藏書  
印二朱記

北溪先生字義二卷

明刊  
本

宋陳淳撰題門人清源王雋編後附嚴陵講義四篇  
宋時有永嘉趙崇端刻本陳宓爲之序明弘治三年  
浙江參政臨漳林進卿重刻之後進卿擢浙藩以舊  
板亡失復刻之此其再刻本也卷首有弘治庚戌新  
喻胡榮序卷末有弘治壬子分寧周季麟跋

孔子集語二卷

影鈔  
宋本

宋薛據纂并序書成於淳祐丙午凡二十篇前有景定元年中書省看詳進狀此本舊藏崑山葉氏每段不提行惟空一格加圓圍與山東孔氏刻本款式異

後有錢遵王顧抱冲跋

卷首有葉氏棗竹堂藏書朱記

程氏家塾讀書分年日程三卷

元刊本

題鄞縣程端禮編此兩東家塾刊本也前有翰林余謙序南臺中執法迂軒趙世延序至順三年永嘉李孝光序及延祐二年端禮自序又次爲綱領後有元統三年自跋謂舊本不同此則刊於家塾本又有至

治改元巴西鄧文原跋元統三年甬東薛觀處跋

卷首

有汲古閣毛晉之印  
毛子晉氏譜朱記

辨戒編四卷

舊鈔本

元謝應芳撰是書因吳俗信鬼神而作嚮無刻本近  
謝氏後人出家藏本屬毘陵高廷鉅校刻行世此猶  
明人傳錄本也

魯齋心法二卷

舊鈔本

元許衡撰此皆文正與門人講學之言不載魯齋全  
書中明嘉靖元年洪洞韓士奇得其本序而刻之是  
本卽從之傳錄也

右儒家類

兵家類

六韜六卷

影鈔  
宋本

舊題周太公望撰核之唐宋人傳注類書所引率多  
不合疑出後人依託然宋時流傳卽是本也書中敬  
完徵慎有減筆蓋邑人錢孝修從宋本影鈔者字畫  
精妙可喜孝修遵王從子

卷首有錢孝修  
圖書印朱記

武經七書

影鈔  
宋本

是書爲宋時合刻不題纂輯姓氏無序跋據宋史謂  
何博士去非爲武學教諭校兵法七書是出何氏手

定也按總目孫子卷上中下吳子卷上下司馬法卷  
上中下唐太宗李衛公問對卷上中下尉繚子卷一  
至卷五黃石公三略卷上中下六韜卷一至卷六每  
半葉十行行二十字葉心有字數刊工姓名晁氏曰  
元豐中以六韜孫子等頒行武學號曰七書是本當  
出其時案尉繚子黃石公六韜宜置前而反列李衛  
公問對之後宋時亦疑其僞託矣

尉繚子直解五卷

明刊本

題前辛亥科進士太原劉寅解案隋志尉繚子五卷  
唐志作六卷此猶舊第其書每節分解簡要明畫似

宋人之筆特未知寅爲何時人耳其刊本款式當在嘉靖以前也

直說素書一卷

元刊本

是書乃黃石公遺言與三略異其注釋未題名案序作於至正十四年稱廣陵寡學王氏注卽其作也後有音釋

李衛公望江南一卷

明刊本

唐李靖撰前有貞觀七年靖白序略謂自黃帝爲始以晉漢書撮取諸家兵道要妙以至占課主客迎避應軍所宜勝負情源選纂類聚作爲誦歌計七百首

目之曰望江南云云後有錢塘張振先刻板跋案敏  
求記有神機武略望江南一卷疑卽此書相傳黃石  
公以授張子房者其說尤誕大抵術士依託之說卽  
謂李衛公作亦未可信也

神機制敵太白陰經十卷

舊鈔本

題唐河東節度使都虞侯李筌撰卷首進書表末有  
六行云秘閣楷書臣羅士良寫御書祇候臣錢承灝  
勘入內黃門臣張永和宋允中監入內內侍高班內  
品臣譚元吉趙誠信監與錢氏敏求記合惟宋允中  
錢本作朱允中此傳寫偶異耳按表尾聯銜六人爲



唐永泰時內府臣遵王未見前葉據以爲宋朝內府鈔本非也李氏嘗注孫子見道藏本又有古文辭傳世是書見唐志宋志杜氏通典兵類中采用頗多迺兵言之最可信者非若他書之出自依託也此本較四庫著錄少宴娛音樂二篇而篇首總序及天無陰陽篇不闕猶存十卷之舊爲可貴云

道德經論兵要義述四卷

鈔本

題朝議郎使持節漢州諸軍事漢州刺史充威勝軍使賜緋魚袋臣王眞上前有元和四年進書狀又敎表一篇王氏久列戎行熟於兵事因唐時尊崇老子

故借道德經言兵之義以推闡之

武經總要前集二十一卷後集二十一卷

明刊本

宋曾公亮丁度等奉敕撰分前後二集制度十六卷  
邊防五卷後集故事十五卷占候六卷有仁宗御製  
序可考見宋時一代兵制

何博士備論一卷

舊鈔本

宋何去非撰卷首有蘇文忠薦狀稱二十八篇此本  
祇二十六篇核錢氏也是園藏本多漢武論唐論二  
篇而此本中鄧禹論又錢本所無參合兩本可還二  
十八篇之舊又兩本題有互異者如此本首篇戰守

論錢本作秦論七國論作六國世祖論作漢光武論  
孫堅攻董卓論作吳論曹操攻袁紹吳蜀論作魏論  
上韓信曹操論作魏論下司馬懿論作司馬仲達論  
諸葛亮論作蜀論孫氏保全江東論則連上孫堅攻  
董卓論爲一篇題曰吳論淮淝之戰論作苻堅論上  
慕容垂叛苻堅論作苻堅論下五代通論無通字皆  
篇名之異字句亦多異同此爲蕭飛濤手鈔本飛濤  
名江聲一字白沙以詩畫篆刻擅名邑中

記飛濤白沙  
手校諸朱記

卷首有蕭  
江聲讀書

將鑑論斷十卷

舊鈔本

宋戴少望著并序論凡百篇取春秋至五季名將行事究其得失而論斷之宋時有麻沙本成化間廣安守許某得其本於蘇州范氏刻之郡庠有王鉞跋此尚出明人所鈔

鐵琴銅劍樓藏書目錄卷十三終